

Sanité: La doturia Grete Mählknecht é demez en vëndres, ai 23 d'auri, y vëgn sostituida dala doturia Mattioni 328 85 90 842.

Domandes de assistënza sozuala straordinaria do Aiüc Covid

Le termo por dé jö t'l Raiun Sozial Val Badia les domandes do Aiüc Covid é gnü arlungé cina ai 30 d'auri 2021. Ales porsones che á bel fat domanda ti ultimi mëisc, vëgn la domanda arlungiada automaticamënter y ares n'á nia bria da fá val'. Por informaziuns contatede 0474/524 552.

Aziun „Cörs dla Val Badia“

Tres les bancareles dl mangé án podü daidé cina sègn 90 families (danter Al Plan y San Martin), plü les tröpes families che vëgn edema por edema ala bancarela de Badia, organisada tres la Banca dl Tëmp dl Comun de Badia. Sön le cunt bancar é gnü ite (situaziun da en jöbia danmisdé) avisa 22.612 € de spënores. Cina ciamó é gnü paíé fora 4.522 € de contribuc, tla forma de fatures surantutes por bojëgns primars. Ince danter nos é meseria. I oresson cun chësc ince motivé les porsones da damané do aiüt, sce ares é te na situaziun de debojëgn. I formulars ciafon tles botëghes y ince sön www.solidariete.it. Forsc podunse nes daidé duc deboriada da alisiré val' situaziuns. - Le Grup de Laur oress Ves dí n gran dilan de osta solidarité.

SAN MARTIN

Al vëgn injunté a chësta plata i **cunc dla ploania** che reverda l'ann 2020.

En sabeda, ai 24 d'auri: **Domisdé por romené sò le paisc.** Le Comun, la Cooperativa Turistica, i Stödafüch y l'Uniun dl Sport cun i Pëiapësc, le Consëi de Cöra, l'Uniun di ëi, l'Uniun dles ëres, le Grup di Jogn, le KVV, la Musiga, le Cor de dljia, la Uniun patrones, le Club di seniors, l'Aiüt Alpin, l'Uniun dl teater, i Artejans, i lagri y l'AVS, inviëia duc da gní a romené sò le paisc. I s'incuntun dales 14.00 jön Pradel olach'al gnará partí sò i laurs y partí fora i sac metüs a disposiziun dal Comun. Ala fin dl de ciafará i partezipanc val' da mangé. I podun duc daidé por n bel paisc. - I orun tigní ite les regoles Anti Covid!

LUNGIARÜ

La Uniun di Èi da Lungiarü rengraziëia dla buna partezipaziun ala lita di surastanc dla uniun y ti dij dër bel dilan a chi che á azeté l'inciaria por i 3 agn che vëgn: Hanspeter Clara, Dolorico Mischi, Tobias Clara y Arhur Clara. En dilan fort ince ai surastanc che á lascé. -----

Active Summer cun Heinrich Conrater:

Mini dal 2° al 3° ann de scolina: dai 16 cina ai 20 d'agost 2021. Orar dales 15.00 ales 16.30 t'l Ciamp dl sport Pradel. Cost al'edema 20 euro.

Kids dala 1ª ala 3ª elementara: Edemes disponibles: A 12-16 messé, B 26-30 messé, C 09-13 agost. Orar dales 13.45 ales 16.45 t'l Ciamp dl sport Pradel. Le cost al'edema é de 35 euro (cun pice domisdé).

Junior dala 4ª elem. ala 1ª mes. Edemes disponibles: A 05-09 messé, B 19-23 messé, C 02-06 agost. Orar dales 13.45 ales 16.45 jön Pradel. Le cost al'edema é de 35 euro (cun pice domisdé).

Pro vigni grup dessel s'abiné almanco 4 cina alplü 8 mituns/mitans.

Iscriziuns cina ai 30 d'auri pro Martina 348 51 98 620 (www.ussanmartin.it)

Musiga da San Martin: Le calënder storich 2021 pón ince odëi sön le link musiganmartin.it/calnder-storich-2021 apé dla plata "ciari al calënder"



Plata dles Ploanies San Martin y Lungiarü

ploan Klaus Sottsas 344 15 54 055 - ksottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

18.04. - 25.04.21 nr. 21

TERZA DOMÈNIA DE PASCA - B

Vangele do Lùca 24,35-38

I dui discepu, che ê gnüs da Èmmaus, ti à cunté ai ònesc y ai atri, éi ch' al ti ê sozedü sön tru y sciöche ai à conesciü Gejù, canch'al â rumpí le pan. Ciamò tratan ch' ai baiâ de chësc, éi gnü instës amesa ëi ite y ti à dit: Pësc a os! Ai s' a spordü y se temô dassënn, ai minâ ch' ai odess n spirit. Dailò ti àl dit: Ciodî sëise pa döt spordüs? Ciodî dubitëise pa te osc cör? Ciarëdi a mies mans y a mi pîsc: I sun iö instës.....

Ai se fajô demorvëia, mo dala ligrëza n'ësi nia ciamò bugn da crëie. Dailò àl dit: Èise val' da mangé chilò? Ai ti à dè n toch de pësc apratè; al l' a tut y l' a mangé dan sù edli.

Spo ti àl dit. Chëstes é les parores, ch' i ves à dit, canch' i ê ciamò pro os: Döt mëss s' adempli éi che é scrit de mè tla lege de Mosè, pro i profec y ti salms.

I dui discepu che â incunté Gejù sön le tru de Emmaus ti cunta döt emozioná ai atri discepu de súa esperiënza de fede che ti é capitada, speran che súa ligrëza passass ia sön i atri.

Y spo vëgn te chësta comunité Gejù instës, nia sciöche spirit, mo cun corp y anima. Y por cherié la calma y paré demez vigni dübe, fej Gejù val' dër de normal:

Al mangia impara na spëisa a chëra ch' ai é ausá.

Y sciöche maester i istruëscel, al ti spliga le significat dles Scritöres.

Ai n' á nia bria da les imparé, mo al i inviëia da gní instësc lassura sön ci ch' ares ó nes dí, confidan che la verité vëgn a löm da chirí deboriada, tla comunité di credënc che s' abina pro la mësa dla parora y dl pan. Dailó é Gejù presënt, y de chël é sù discepu testimoni, y ince nos. (Image)



EDEMA	SAN MARTIN	LUNGIARÜ	 I periun do l'intenziun dl Papa por le mëis d'auri I periun por chi che se dá da fá, meton cinamai al prigo súa vita, ch'al ti vëgnes reconesciù ala jënt sü dërc fundamentai tles ditatöres, sot a rejims totalitars y te tēmps de crisa ince te stac democratics. ----- Ćiaredi a mies mans y a mi pîsc: I sun iö instës. Piédeme ite y capide" Avëi Gejú da pié ite por capí ci che n'é nia da capí, chël ne n'unse nia plü incö - mo i podun se lascé pié ite da d'ël, da so amur cun súa noela cun la misericordia de Dî ... Insciö sarunse sü testimoni. ----- Benedisciun: Le Di dla vita nes bendësces cun la ligrëza de Pasca y nes toles demez vigni dübe y vigni tēma. Al nes dais fidënza y forza sön nosc tru cun la crëta tla parora de Gejú: Iö viri y ince os dësses vire! Idi nes benedësces cun la pesc dl Ressorí. Amen. 
18.04.2021 TERZA DOMÈNIA DE PASCA - B <i>Domènia de</i> <i>San Ciascian y San Vigile</i>	9.00 Devoziun a S Germano te dlijia 9.30 Gran Mëssa por la Comunità + Angelina Tolpei + + Maria (dl ann) y Franz Chizzali por les Animes 11.00 Bato de Samuel Erlacher 14.30 Bato de Luca Dapoz a Bioch	7.55 Corona 8.15 Gran Mëssa por la Comunità en onú de Sant Antone Abat	
19.04.21 Lönesc <i>Leo, Werner</i>			
20.04.21 Dedolönesc <i>Sara, Odeta</i>	19.00 Mëssa + Sepl Trebo, Pension Tor por les püres Animes		
21.04.21 Dedemesaledema <i>Anselm, Conrad</i>		7.30 Mëssa + Roslinda Deiacó dl ann + Cecilia Clara y def. dl Longher	
22.04.21 Jöbia <i>Caius, Alessandra</i>	7.30 Mëssa + Rita Rubatscher Verginer + + de Giovanni Unterweger por les Animes arbandonades Corona por Vocaziuns		
23.04.21 Vëndres <i>Iorz, Adalbert, Fortunat</i>	18.30 Adoraziun chîta 19.00 Adoraziun deboriada	7.30 Mëssa + + Germano y Iustina Moling + + Sepl y Albert Fontanella	
24.04.21 Sabeda <i>Fidelis, Ivo, Teodor</i>	17.30 Mëssa prefestia fam. Edith y Christian Ellecosta de rengraz. + + Milia y Fonjo Zingerle + + Comploj	19.00 Mëssa prefestia familia Marino y Maria Mischi fam. Ricá Moling de reng. a siur Heinrich Vid. dl ann + Cecilia Mischi dl ann + Davide Daporta y def. da Mazchel	
25.04.2021 CUARTA DOMÈNIA DE PASCA - B <i>Oraziun do Vocaziuns</i> <i>San Merch, vangelist</i>	9.00 Corona por Vocaziuns 9.30 Gran Mëssa por la Comunità families de Giovanni Unterweger + Nando Flöss, Anví	7.55 Corona 8.15 Gran Mëssa por la Comunità a d'intenziun a siur Heinrich Videsott	

